

PLOANIES SAN MARTIN Y LUNGIARÜ

Referat de siur Tone Fiung „Vignun ó gní vedl, mo nia ester vedl“ organisé dal Club di Seniors da San Martin y Antermëia cun Consëi de Formaziun, en vëndres (29/04), dales 14.30, tla palestra d'Antermëia. Al é dërt da rové ite bun ti agn, cun na buna autostima, restan sagns, ciaran dl bëgnsté corporal y spiritual. Dedô pice renfrësch. Ara vá da jí sô Antermëia y da gní jô cun la coriera. Düc é dër bel invia.

SAN MARTIN

Le KVV San Martin fej n **peregrinaje a Weissenstein** en jöbia, ai 19 de ma, pian ia dal paisc dales 7.30. Le cost é de 38 euro por i scric ite y 40 euro por i atri. Al nes acompagnëia le ploan siur Iaco Ploner. Prenotesse cina ai 16 de ma pro Hilda Sottara.

LUNGIARÜ

Reuniun generala dla Uniun di Pëiapësc da Lungiarü en vëndres, ai 29 d'aurí, dales 19.30 sô dal Lûch de Vanc. Düc i mëmbri y i interessá da fá pert dl'Uniun é invia da tó pert. I recordun che sozi nüs vëgn ma tuc sô en gaujiun dla Reuniun Generala.

Le Raiun Sozial Val Badia: Tla Ciasa de Cultura a La Ila é en sabeda ai 30 d'aurí dales 14.00 ales 18.00 n domisdé cun Margarethe Mayr „**I ne ti sun nia plü! - Cura y assistënza**“. Le domisdé é davert a düc, zënza prenotaziun.

Por i referac de chëstes 4 sères tla Ciasa de Cultura a La Ila, vigni iade dales 20.00, bügnel se prenoté cina ai 28 d'aurí 0474 524 552:

En lönesc ai 2 de ma „**Insciö vára da fá le guern – porsones y sorvisc che dëida**“ cun düc i sorvisc d'assistënza

en jöbia, ai 5 de ma „**Chinestetica**“ (I sconi mi spiné y i ti insëgni ala porsona assistida da se möie) cun Klara Leiter

en lönesc, ai 9 de ma „**Alimentaziun por jënt atempada**“ cun Silvia Pitscheider

en jöbia, ai 12 de ma „**Co capí porsones cun demënza**“ cun Notburga Gruber

La Scora de musiga invieia al concert d'aisciöda en vëndres, ai 29 d'aurí dales 18.00 tl Istitut Ladin a San Martin cun les scolares y i scolaris dla Scora de musiga.

I mëmbri dla **SEA (Sorvisc Energia Ambiënt)** é invia ala reuniun generala, en dedemesaledema, ai 27 d'aurí, dales 19.30, a San Martin tl salf dl Istitut Ladin.

Concert de dlijia dl grup Pinzimonio Vocale cun Priska Comploi y d'atri, en sabeda (30/04) dales 18.00 a La Val y en domënia 01/05, dales 20.15, a Plan.

Baratada de ciüf, pelzes y somënzes, ai 5 de ma, dales 20.00 tl salf di stödafüch a S. Martin. Referat cun l'esperta Marta Canestrini "Combate maraties de ciüf y plantes zënza tosser". Scribede sô la sort sôn ciüf, pelzes o somënzes da dé jô dan le referat y gnide a se tó ci che öga. Ince sc'i n'ëis nia da porté, gnide impó, lascian val' spënorä.

I ti audun dôt le bun, sanité y tröc agn de vita a siur ploan Iaco Ploner che á complí i agn ai 22 d'aurí

y a chi sura i 80 che complësc i agn de má

a San Martin: Nina Rubatscher Tolpeit che nen complësc 86 al 1
Zita Prada Planatscher che nen complësc 81 ai 5
Pio Baldissera che nen complësc 87 ai 8

a Lungiarü Cecilia Daporta Pezzei che nen complësc 88 ai 8
Monica Mischi Daporta che nen complësc 80 ai 13



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

24.04. - 01.05.16 nr. 22

termo da publiché: jöbia 20.00

radio: 90,40 / 93,70

5^a DOMËNIA DE PASCA C

Vangele do San Jan 13,31–33a.34–35

Canche Iüda s'un ê jü fora, à Gejù dit:

Sëgn é le Fi dl Om glorifiché, y Idî é glorifiché te ël.


Sce Idî é glorifiché te ël, saral ince Idî che le glorificarà te sè instës y al le glorificarà defata.

Mi mituns, i sun mâ plü püch tëmp pro os.

N comandamënt nü ves dà: Oresse bun un al ater!

Sciöche iö ves à orü bun, insciö dësses ince os s'orëi bun.

A chësc conesciarà düc ch'i sëis mi discepu: sc'i s'orëis bun un al ater.



Por ester bugn da vire na vita tl amur,

él debojëgn ch'an ais ince fat de bunes esperiënzes olach'an á podü sintí amur.

Por ester bugn da orëi bun, messunse se sintí tignis y portá da Chël Bel Dî,

aladô ch'i podunse vaghé val',

y savëi ch'i n'un nia bria da s'la fá avarëi a forza por rové pro nosc dërt.

Amur é – ince – na vega.

Insciö ti recorda Gejù a sü discepu tl testamënt, ch'al ti á fat dan süa mort:

lô ves á orü tan bun. Infidësse ince os da orëi bun.

La garanzia por la verité de chëstes parores ciafunse da Idî Pere instës:

L'amur dl Pere chërda so Fi fora dla mort.

Da Pasca festejunse la premiaziun dl amur.

I podun confidé che l'amur é plü sterch co la mort.

I orun s'infidé y la vaghé da s'orëi bun un al ater

cun dôt le cör, zënza condiziuns, zënza limitaziuns. Al paia la mëia.

	SAN MARTIN		LUNGIARÜ
24.04.16 5ª DOMÈNIA DE PASCA	9.00 Corona por le defunt Paul Ferdigg 9.30 Gran Mëssa dla comunité	24.04.16 Domènia	7.55 Corona 8.15 Gran Mëssa dla comunité
25.04.16 Lönesc <i>San Merch vangelist</i>		25.04.16 Lönesc	
26.04.16 Dedolönesc <i>Maria dal Bun Consei, Cletus,</i>	19.30 Mëssa families Clement, Ju + Artur Conrater en onur de S. Ujöp da Oies a d'intenziun	26.04.16 Mertesc	
27.04.16 Dedemesaledema <i>Pire Canisius, Zita</i>		27.04.16 Mercui	7.30 Mëssa + Agata Pezzei Alfarei + + Fontanella + + Carlo y Pio Mischi 14.00 inant: Vijita ales families, str. S. Lizia n. 62-100
28.04.16 Jöbia <i>Pire Chanel, Ludwig Montfort</i>	7.30 Mëssa di scholars dl ann + Erwin Rungger fam. Franz Planatscher + + Burchia y Ferdigg Corona por vocaziuns 14.00 inant: Vijita ales families, str. Nicl Dasser	28.04.16 Jöbia	
29.04.16 Vëndres <i>Catarina da Siena (Patrona d'Europa), Roswitha, Robert</i>	18.30 Adoraziun chîta 19.00 Adoraziun eucaristica	29.04.16 Vëndres	7.30 Mëssa + Orsola Puntel + Maria Daporta Grones + Emma Dejaco
30.04.16 Sabeda <i>Hildegard, Rosamunda</i>	15.30 Mëssa tla Ciasa de Palsa 18.30 Mëssa prefestia 2° de sopoltöra de + Paul Ferdigg por i nüc Paul y Hédwig Gasser + Ida Flöss (dl ann)	30.04.16 Sabeda	20.00 Mëssa prefestia por i nüc Tobias y Annamaria Clara + Anni Clara + + Nazio y Teresa Pezzei
01.05.16 6ª DOMÈNIA DE PASCA	8.40 Prozesciun de San Florian a Picolin 9.30 Gran Mëssa dla comunité cun i Stödafüch 8.40 Corona de ma sö Ju	01.05.16 Domènia	7.55 Corona de ma 8.15 Gran Mëssa dla comunité cun i Stödafüch 15.00 Corona tla capela da Seres